



Broj:01-2366/22

Sarajevo, 23.12.2022. godine

Na osnovu čl. 64. stav 1. tačka b., 70. stavovi 1., 3. i 6. Zakona o javnim nabavkama ("Službeni glasnik BiH" br. 39/14), člana i 108. Statuta Univerziteta u Sarajevu, br. 01-1093-3-1/18 od 28.11.2018. godine, Odluke Upravnog odbora o usvajanju Plana javnih nabavki Integrisanog Univerziteta u Sarajevu za 2022. godinu - br: 02-7-3/22 od 02.03.2022. godine, na preporuku Komisije za javne nabavke broj: 01-2180-5/22 od 21.12.2022. godine, dekanica Fakulteta donosi

### **O D L U K U**

#### **o izboru najpovoljnijeg ponuđača u postupku javne nabavke: „nabavka kolor kopir aparata A3/A4“**

#### **Član 1.**

Prihvata se preporuka Komisije za javnu nabavke, broj: 01-2180-5/22 od 21.12.2022 . godine, te se ugovor u postupku javne nabavke koji provodi ugovorni organ Univerzitet u Sarajevu-Pravni fakultet: Nabavka kolor kopir aparata A3/A4, dodjeljuje se ponuđaču:

**"RACIONAL" d.o.o. Sarajevo**, čija cijena ponude iznosi: **6.657,00 bez PDV-a** a u skladu sa ponudom ponuđača broj 259/2022, koja je utvrđena kao najbolje ocijenjenom.

#### **Član 2.**

Prijedlog ugovora o nabavci dostavit će se na potpis izabranom ponuđaču **„RACIONAL" d.o.o. Sarajevo**, nakon dostavljanja obaviještenja o izboru najpovoljnije ponude te isteka roka za žalbu.

#### **Član 3.**

Izabrani ponuđač je dužan dostaviti originale ili ovjerene fotokopije dokumenata iz člana 45. Zakona o javnim nabavkama, a u skladu sa uslovima iz tenderske dokumentacije.

#### **Član 4.**


Za izvršenje ove odluke zadužuje se i ovlašćuje Služba računovodstva Univerziteta u Sarajevu. -Pravnog fakulteta

#### **Član 5.**

Ova odluka objavit će se na web-stranici Univerziteta u Sarajevu-Pravnog fakulteta, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

#### **Član 6.**

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.



### *O b r a z l o ž e n j e*

Postupak javne nabavke pokrenut je Odlukom o pokretanju postupka javne nabavke kolor kopir aparata A3/A4 , broj: 01-2180/22 od 22.11.2022. godine godine.

Javna nabavka je provedena putem otvorenog postupka . Procijenjena vrijednost javne nabavke bez PDV-a je: 9.000,00 KM.

Obavještenje o nabavci broj: 29339-1-1-31-3-23/22, objavljeno je na Portalu javnih nabavki dana 23.11.2022.godine.

Komisija za javne nabavke imenovana je Odlukom broj: 01-1732/21 od 13.10.2021. godine.

Komisija za javne nabavke dostavila je Dekanici fakulteta, dana 21.12.2022.godine Zapisnik o pregledu i ocjeni ponuda broj: 01-2180-4/22 od 13.12.2022. godine, sa Preporukom o izboru najpovoljnijeg ponuđača broj: 01-2180-5/22 21.12.2022.godine, u postupku javne nabavke usluge interneta, a na osnovu kojih je i donešena ova odluka.

U predmetnom postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda: 2 (dvije);
- da su blagovremeno zaprimljene 2 (dvije) ponude.
- da neblagovremeno nije zaprimljena nijedna ponuda
- da je ponuda jednog ponuđača prihvatljiva, i to RACIONAL d.o.o. Sarajevo
- da je ponuda jednog ponuđača neprihvatljiva i to UNIVERZALNO d.o.o. Sarajevo

Ponuđač Univerzalno d.o.o. Sarajevo se odbacuje zbog neprihvatljive ponude odnosno neispunjavanja uslova za kvalifikaciju vezanu za tehničku i profesionalnu sposobnost u postupku robe (član 49. Zakona o javnim nabavkama BiH) propisanom tačkom 13.3. Tenderskog dokumenta.

Navedenim članom tenderskog dokumenta, utvrđeno je da će Ugovorni organ će u skladu sa članom 49. stav 1. tačka d. Zakona o javnim nabavkama BiH, odbaciti ponudu ako ponuđač ne dostavi opise i fotografije robe koja je predmet ponude iz kojih se jasno i u potpunosti vide karakteristike ponuđene robe, kojom ponuđač treba da dokaže da ispunjava zahtjeve ugovornog organa utvrđene u ovo tenderskoj dokumentaciji.

Dokaze koje ponuđač trebao dostaviti u svrhu dokazivanja tehničke i profesionalne sposobnosti su:

Zvanična tehnička specifikacija proizvođača - navesti proizvođača, vrstu i tip proizvoda, karakteristike za ponuđenu robu kojom ponuđač treba da dokaže da ispunjava zahtjeve Ugovornog organa utvrđene u ovoj Tenderskoj dokumentaciji.

Također je propisano da se u priloženim katalogima , crtežima i drugoj pratećoj tehničkoj dokumentaciji, moraju jasno navesti broj stavke iz obrasca za cijenu ponude – Aneks III na koju se tehnička specifikacija odnosi (ne prilagati uopštene kataloge u kojima nije naveden broj stavke iz

**Univerzitet u Sarajevu – Pravni fakultet** – Obala Kulina bana 7, 71000 Sarajevo - Bosna i Hercegovina

Telefon: +387 (0)33 206-350 (centrala); +387 (0)33 206-355 (fax)

[www.pfsa.unsa.ba](http://www.pfsa.unsa.ba)





obrasca za cijenu ponuda – Aneks III) . Priložena tehnička dokumentacija koja ne upućuje jednoznačno na ponuđenu robu neće biti razmatrana. Ugovorni organ zadržava pravo da u toku evaluacije ponuda provjeri navode o karakteristikama ponuđene robe.

Shodno navedenom, ponuda ponuđača Univerzalno d.o.o. je neprihvatljiva jer je, Ugovorni organ nakon dodatne provjere karakteristika ponuđenog kopir aparata (Printer MFP CANON image Runner Advance DX C3826i Bundle), utvrdio je da se karakteristike ponuđene robe razlikuju od traženih karakteristika i opisa robe u Aneksu III tenderskog dokumenta i to u sljedećima stavkama:

- alineja 10. - Veličina papira za štampanje A6-SRA3; prilagođene veličine papira; baner papir max. 1.200 x 297 mm
  - kod ponuđenog kopir aparata aparata 320 x 457 mm
- alineja 11. – težina papira za štampanje 52-300 g/m<sup>2</sup>
  - kod ponuđenog kopir aparata nije podržan papir sa preamazom gramaže 257 – 300 g/m<sup>2</sup>
- alineja 15. - Automatsko obostrano štampanje A6-SRA3; 52-256 g/m<sup>2</sup>
  - kod ponuđenog kopir aparata 52-220 g/m<sup>2</sup>

Također, ponuđač Univerzalno d.o.o. Sarajevo je propustio da u uz navedenu fotografiju i u tehničkoj specifikaciji kopir aparata Printer (MFP CANON image Runner Advance DX C3826i Bundle) jasno navede broj stavke iz obrasca za cijenu ponude – Aneks III na koju se tehnička specifikacija odnosi što nije u skladu sa članom 13.3. tenderskog dokumenta.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, Dekanica nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene.

**U skladu sa navedenim, utvrđena je rang lista ponuđača kako slijedi:**

Redni broj	NAZIV PONUĐAČA	Ponuđena cijena bez PDV-a u KM	umanjenje cijene
1.	„RCIONAL“ d.o.o. Sarajevo	6.657,00	0 %

**Izabrani ponuđač je izabran primjenjujući kriterij najniže cijene.**



## POUKA O PRAVNOM LIJEKU

Protiv ove odluke može se izjaviti žalba u roku od 10 (deset) dana od dana prijema odluke. Žalba se podnosi u pisanoj formi Uredu za razmatranje žalbi, u dovoljnom broju primjeraka koji ne može biti manji od tri, a putem Ugovornog/prvostepenog organa.

DEKANIČA

Prof. dr. Zinka Grbo

DOSTAVITI:

- ponuđačima
- web Fakulteta
- arhiva

Akt obradio/la: Haris Starhonić, BA prava, viši stručni saradnik za pravne i personalne poslove

Akt kontrolisao/la: dr. sci. Vesna Lazić, sekretar Fakulteta

Akt odobrio/la: prof. dr. Zinka Grbo, dekanica

Sekretar Univerziteta u Sarajevu-Pravnog fakulteta potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Dekan Univerziteta u Sarajevu-Pravnog fakulteta nadležan za donošenje odluke shodno članu 71. Zakona o visokom obrazovanju („Službene novine Kantona Sarajevo“, broj 36/22).